



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

16. [i.e. 167.] Vigilia Pentecostes. Quomodo orandus Deus, ut mos sibi
uniat ex toto.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

7. Petere amore Dei, totum converti ita, ut, si tentationum mala Sanctorum Corpora sic affligerunt foeditatibus suis, ut ignem applicitum non senserint, ut contigit B. Angelæ; ita amore Dei inflammer, ut ignis materialis mihi frigere potius videatur, quam urere, quod contigit S. Catharinæ Senens, & S. Tiburtio, cui prunæ rosæ videbantur, juxta quos gradus ordinabo Orationem Dominicam.

MEDITATIO CLXVII.

Vigilia Pentecostes.

*Quomodo orandus DEVS, ut nos sibi
uniat ex toto*

Collocabo me inter Seraphinos ardore amoris amicitia Dei proximos. Isai. 6.
Petam ex toto baptizari Spiritu sancto.

Conf. Septem gradus supremi amoris Dei.
1. Petere amorem semper mobilem, qui nunquam ab amando quiescat, nec ad inferiora defluat, nisi, ut homines ad Deum reducat.

2. Petere amorem incessabilem, qui modum divini amoris habeat, ut sine modo & mensura Deum diligat, & absque ullo termino magis ac magis crescat. Singulis momentis nova beneficia accipio, fomenta amoris.

3. Petere amorem acutum, quo Deum
presen.

præsentem actu habeam, quo penetrem omnes ejus perfectiones, quo unum cum eo fiam, ut candens ferrum cum igne.

4. Petere amorem spiritualiter calidum, qui divinâ consolatione immisâ me liquefaciat, atque emolliat, ut impetu Spiritûs in Deum effluam, & tanquam res mobilis ejus impulsûs excipiam, caliditate hâc dilater ad proximorum auxilia, segregem omnes imperfectiones, virtutes congregem.

5. Petere amorem urentem, ut à me omnia impedimenta removeat, interna imperfectionum, externa inutilium occupationum, quæ me à perfectione, & unione cum ipso retardare possunt.

6. Petere amorem perseverantem, si vita per millia millium annorum esset trahenda, ut semper fidelis amator persistam.

7. Petere amorem semper fervidum, quo à me exeam, & ad me nunquam redeam, per voram mei despicientiam, ut ita Deum reputem, ut mei, & omnium creatorum obliviscar, juxta illud D. Augustini Tom. 4. lib. 83.

q. 36. c. 8. *Perfectio charitati nulla cupiditas; adeoque verum est illud Cypriani de Pudicitia: Qui cupiditates tollit, & metus sustulit, nimirum labendi. Et rursus August. serm. de S. Laur. c. 18. O, qui dixisti, libera nos à malo, liberet te Deus de te ipso.* Instituum triplicem

petitionem. 1. Ad novem choros Angelorum, 2. Ad B. Virginem, 3. Ad Christum Dominum, pro impetratione Spiritus sancti, qui nos emundet ex toto, illuminet ex toto, & sibi uniat ex toto.

MEDITATIO CLXVIII.

Dominica Pentecostes.

De admirabili Spiritus sancti operatione.

Videbo à caelis in specie ignis venientem Spiritum Dei, & cordis humani arcem expugnantem, immutantem, & in eo residentem, ut totum in partibus, ut ars in arte, ut DEVS in templo. Petam agnoscare operationes Spiritus sancti, earumque fieri participes.

Conf. 1. Mirabilem Apostolorum mutationem; nam qui antè infirma mundi, in demonum subiectione vanè gloriabundi, de majoratu contentiosi, iracundi, volentes fulmina mitti in Civitatem, tristitia & timore perculsi, ad patientiam Domini JESU scandalizati, negatione Christi contaminati, verè infirma mundi; Nunc verò studijs plane contrarijs imbuti, mundo, sibi que mortui, caelo & Deo pleni, & ab ubertate gratiarum caelestium, quasi musto ebrij, sal terrarum mundi que lux; quia Spiritus sanctus

quoscumque